

Cœli hic mira clementia: qua fit ut Nemora ipsa ex Citris, Medicis, atque id genus arboribus consent. Solum *Cœli temperies.*
fertile, abundans Vitibus, Oleis, Pomis, omnisque generis arboribus fructiferis: Mellis etiam ingens hic copia *Soli fertilitas.*
colligitur. Segetes vero minus latus habet propter austrinos ventos, quibus exsiccatae arescunt antequam ad
maturitatem perveniant. Hodie *Venetis* paret, a quibus strenue adversus Turcarum rabiem defensa est. Urbem
habet cognominem. Incolæ Græci sunt.

Zacynthus, vulgo *Zante*. Hanc inter Cephaleniam & Achaiam ponit Plin. Ipsa in circuitu colligit xxxv i mill. *Zante.*
Ager Insulæ Frumentum profert magna copia: imprimis vero Vvas passas, Vinum & Oleum, ex quorum annuo *Situs.*
proventu, Incolæ colligunt cl millia aureorum. *Græci* sunt & *Venetis* parent. Habet ejusdem nominis Opidum *Soli fertilitas.*
cum Arce in monte situm, mari imminens, Silvis oblitum, Aeris salubritate, pascuorum vicinorum ubertate,
agrique fertilitate valde commendabile. *Mons* ipse *Elatos* dictus, nobilis est.

Milo Insula, ea *Melos* prisco ævo dicebatur, in Cretico est mari. Ambitus lxxx milliarum complectitur. *Milo.*
Feracissimos habet agros Frumenti & Olei, sed Vitibus parum accommodos. In hac etiam Argenti fodina & *Situs.*
Sardonius lapis reperitur. *Soli fertilitas.*

Naxos, nunc *Niscia* Sophiano, & aliis. Hæc lxxx mill. in ambitu pater. Inter frugiferas Insulas hæc etiam *Niscia.*
numeratur. Vini admodum fecunda est: in eaque Marmoris genus reperitur quod *Ophites* Græcis & Plin. ma- *Situs.*
culosum, Serpentum maculis non absimile. Smirillus etiam lapis, Smiris Plinio, hic reperitur. Venam quoque *Soli fertilitas.*
Auri hic esse, sed desidia & ignavia Incolarum non inveniri, sunt qui credunt. Vespæ genus in ea, cujus punctio
homini mortem adferre dicitur: Vespertilionumque magna copia. *Joanni Quirino* Nobili Veneto hæc quom-
dam paruit. Postea sub quodam Duce *Jacobo Crispo* fuit, quem *Solimus* Turcarum Imperator hinc expulit. Ha-
bitatur itaque hodie a Turcis & Iudæis.

Santorini vel *Santorino*, *Therosia*, Maris *Egar* Insula, juxta Atticam, Straboni & Ptol. Formam nunc Lunæ cor- *Santorini.*
niculatæ habet, licet prius aliam haberet, antequam combureretur, & a mari in duas partes scinderetur, inter *Situs.*
quas scopuli aliquot interjacent. Est etiamnum satis fertilis, & Portibus commoda. Incolæ piscationibus fere *Soli fertilitas.*
victum quærunt. Hæc etiam subjugata a Turcis est.

Scarpanto, olim *Carpathus*, aut ut Homero placet *Crathus* dicta. Carpathium hinc Mare. Situs ejus inter Cre- *Scarpanto.*
tam & Rhodum, medio fere itinere. Ambitus ejus lx, aut ut alii volunt lxx mill. pass. Ardua & montibus passim *Situs.*
aspera: ac in ea Marmoris Lapidicina reperitur. Olim quatuor urbibus prædita erat, & ob id *Tetrapolis* nuncu- *Soli qualitas.*
pabatur, ut habet in Homerum Eustathius. Habet multos Portus sed non admodum capaces, & male fidos. *Portus.*
Incolæ Græce loquuntur, & Græcorum religionem amplectuntur: Venetorum tamen Dominio subsunt.

Sed de Europa quæ dicta sunt hæcenus, sufficiant. Reliquas igitur Orbis partes, & primum Africam, cui in
nostrâ distributione post Europam princeps tribuitur locus, quod felix faustumque sit, ingrediamur.